

PRAKTIS 3

Baca petikan dan teliti bahan grafik yang disertakan di bawah, kemudian buat satu rumusan yang panjangnya tidak melebihi 120 patah perkataan. Anda digalakkan supaya menggunakan ayat anda sendiri tanpa mengubah maksud asal petikan dan bahan grafik.

Bahan 1: Petikan

Cendawan ialah organisma yang unik dan tidak tergolong dalam alam haiwan atau alam tumbuhan. Cendawan sebenarnya membina kumpulannya sendiri yang dikenali sebagai alam kulat yang tidak berupaya menghasilkan makanan sendiri disebabkan kekurangan klorofil. Di kebanyakan negara, cendawan ditanam sebagai sumber makanan penduduk kerana kebaikannya mengandungi nilai gizi atau zat makanan yang tinggi. Spesies cendawan seperti tiram kelabu, tiram putih dan tiram raja adalah antara spesies yang popular dalam kalangan penggemar cendawan.

Jika dilihat dari sudut kegunaan cendawan maka pengusaha cendawan perlu menanam cendawan secara besar-besaran bagi memajukan lagi perusahaan cendawan. Kajian menunjukkan bahawa cendawan merupakan sumber yang kaya dengan antibiotik untuk melawan bakteria yang menjadi punca penyakit. Cendawan juga dapat meningkatkan sistem imunisasi dalam tubuh manusia. Bagi mengembangkan lagi perusahaan cendawan, pengusaha cendawan perlulah mengambil langkah mempelbagaikan penggunaan cendawan dalam industri makanan. Dalam perubatan tradisional, cendawan digunakan secara meluas untuk mengubati pelbagai jenis jangkitan bakteria. Cendawan juga dikatakan dapat menjadi penawar untuk mengurangkan tekanan darah tinggi.

Satu penemuan penting tentang keistimewaan cendawan ialah kemampuannya dalam merawat penyakit kanser. Kajian juga menunjukkan bahawa cendawan mengandungi bahan aktif yang dikenali sebagai polisakarida yang menjadi penawar kepada penyakit kanser. Mereka yang mempunyai kadar kolesterol yang tinggi disarankan supaya menjadikan cendawan sebagai makanan harian kerana cendawan mampu mengurangkan kadar kolesterol dalam tubuh badan. Selain memberi kebaikan kepada tubuh manusia, cendawan juga berfungsi sebagai pengubah utama bahan organik kepada bentuk baja. Cendawan berperanan sebagai salah satu elemen utama kitar semula hutan.

Dipetik dan diubah suai daripada
'Cendawan Kaya dengan Antibiotik'
oleh Wardah Abdul Rahman,
Dewan Kosmik, September 2011.

PENGUSAHA CENDAWAN PERLU ILMU MENCUKUPI



Sumber: Harian Metro

AGRO BANK
Sentiasa di Sisi Anda

KURSUS TANAMAN CENDAWAN
30 APRIL 2021
8.00 pagi- 4.00 petang
Segenalah mendaftar
www.ecendawan.com

Rumusan membincangkan _____ dan

_____.

_____ adalah

_____.

Selain itu, _____.

_____.

_____.

_____.

_____.

_____.

_____.

_____ ialah

_____.

_____.

Kesimpulannya, _____ mestilah bekerjasama untuk

_____ agar

_____.

ARAHAN TUGASAN : PILIH JAWAPAN DI BAWAH DAN LETAKKAN DI RUANGAN JAWAPAN MENGIKUT SUSUNAN ISI DARIPADA PETIKAN

Cendawan juga berfungsi sebagai pengubah utama bahan organik kepada bentuk baja.

Dalam perubatan tradisional, cendawan digunakan secara meluas untuk mengubati pelbagai jenis jangkitan bakteria.

Cendawan juga dapat meningkatkan sistem imunisasi dalam tubuh manusia.

Cendawan mampu mengurangkan kadar kolesterol dalam tubuh badan.

mengandungi nilai gizi atau zat makanan yang tinggi.

Keistimewaan cendawan ialah kemampuannya dalam merawat penyakit kanser

Cendawan juga dikatakan dapat menjadi penawar untuk mengurangkan tekanan darah tinggi.

Cendawan merupakan sumber yang kaya dengan antibiotik untuk melawan bakteria yang menjadi punca penyakit.

Kerajaan mengadakan kursus penanaman cendawan

Kerajaan memberikan bantuan kewangan